



SIARAN MEDIA

KEMENTERIAN BELIA DAN SUKAN



KBS: 5/2026

SUMBANGAN TUNAI RAHMAH KATEGORI BUJANG MEMBANTU BELIA BUJANG YANG TERKESAN DENGAN CABARAN EKONOMI

16 JANUARI 2026

Seramai 3.1 juta penerima Sumbangan Tunai Rahmah (STR) Kategori Bujang telah menerima bantuan melalui mekanisme Sumbangan Asas Rahmah (SARA) bermula pada hari ini. STR Kategori Bujang merupakan inisiatif Kerajaan dalam membantu golongan B40, miskin, miskin tegar dan sederhana, khususnya belia bujang yang terkesan dengan cabaran ekonomi dan peningkatan kos sara hidup.

STR Kategori Bujang merupakan bantuan tunai yang bertujuan meringankan beban kewangan serta membantu penerima memenuhi keperluan asas harian. Kementerian Belia dan Sukan (KBS) percaya bantuan ini amat bermakna kepada belia yang sedang membina kerjaya, bekerja sendiri atau berpendapatan rendah.

Sehubungan itu, KBS menasihatkan belia penerima STR Kategori Bujang agar mengurus bantuan dengan bijak, mengutamakan keperluan asas, mengelakkan pembaziran serta memanfaatkan peluang untuk meningkatkan kemahiran dan kebolehpasaran diri.

KBS akan terus komited menyokong kebajikan dan pembangunan belia selaras dengan aspirasi Malaysia MADANI.

**UNIT KOMUNIKASI KORPORAT
KEMENTERIAN BELIA DAN SUKAN**

